

清王彥威○纂輯 王亮○編 王敬立○校

清季外交史料

3



國家圖書館出版社

第三冊目錄

清光緒朝外交史料

卷七三		一
卷七四		一六
卷七五		三〇
卷七六		五一
卷七七		六四
卷七八		七八

第三冊目錄

一

卷七九		九三
卷八〇		一一三
卷八一		一三一
卷八二		一四五
卷八三		一六〇
卷八四		一八〇
卷八五		二〇一
卷八六		二一三
卷八七		二二四

卷八八		二三六
卷八九		二四九
卷九〇		二六八
卷九一		二八三
卷九二		二九六
卷九三		三〇七
卷九四		三一九
卷九五		三三四
卷九六		三四七
卷九七		三六一

第三冊目錄

二

卷九八		三七六
卷九九		三八六
卷一〇〇		三九九
卷一〇一		四〇九
卷一〇二		四二二
卷一〇三		四三四
卷一〇四		四四六
卷一〇五		四五九
卷一〇六		四七五
卷一〇七		四九〇

卷一〇八		五一
卷一〇九		二七
卷一一〇		四三
卷一一一		五七
卷一二二		七三
卷一二三		八七
卷一二四		〇〇
卷一二五		一二
卷一二六		二六

第三册目錄

清季外交史料卷七十二

光緒十三年八月至九月

目錄

總署致張之洞粵邊開辦商務法派領事電八月初一日

直督李鴻章致總署據袁世凱電韓派全權大臣各國不以為然電

三件初二日

總署致李鴻章韓派使臣須先請示以符體制電初七日

直督李鴻章致總署袁電韓已派駐美使臣請示電二件初九日

直督李鴻章致總署袁世凱電韓改派齋奏官並商阻韓派使電二

件十二日

總署致李鴻章韓照約派使俟其奏到再辦電十五日

清季外交史料卷七三目錄一

直督李鴻章致總署袁世凱商韓王派使泰西照屬邦制已允遵辦

電三件十六日

總署致李鴻章英使照稱西藏駐兵西金請咨駐藏大臣撤回電二

件二十七

總署致岑毓英據英使言中英已定約緬不宜添兵電二十七日

直督李鴻章致總署言西金或是吐隆山附近地名電二十九日

滇督岑毓英致總署緬邊並未添兵電二十九日

粵督張之洞奏澳界轄轄太多澳約宜緩定摺附清單二十九日

總署致李鴻章轉盛宣懷電約訂期太久不便遽允電二十九日

粵撫吳大澂奏查明澳門佔界及將佔界擬即清釐摺二十九日

直督李鴻章致總署岑毓英電保樂一帶並無漢兵電九月初一日

禮部奏朝鮮王咨報派使西國請示摺附上諭及表咨初三日

總署致盛宣懷電務合同須縮短年限電十三日

直督李鴻章致總署蘇元春報越人求撫擬辦情形電十三日

總署致李鴻章希轉蘇元春勿收撫游衆電十四日

總署致張之洞法使照稱橫模係越地請撤案希覆電十四日

粵督張之洞致總署請訂九龍拱北兩關辦事章程電十四日

粵督張之洞致總署報欽州並無立牌築寨等事電十七日

使美張蔭桓致總署韓使至美應由華使挈晤外部電二十二日

使英劉瑞芬奏在倫敦互換緬約並派員齋呈摺二十六日

清季外交史料卷七三目錄二

總署奏葡約現有成議謹呈辦理情形摺附續議詳約兩款二十七日

總署奏葡人於前明佔居澳門與租界異各國自不得援以為例片

二十七日

黃巖發夫王彥威輯

男希隱亮編

孫孝章敬立校

總署致張之洞粵邊開辦商務法已派領事電

粵邊開辦商務法已派領事太平道定爲調缺吏部已經議覆希即揀調具奏一面電知本署八月初一日

直督李鴻章致總署據袁世凱電韓派全權大臣各國

不以爲然電三件

袁世凱朔電連日晤日使英德總領事均不以韓派全權大臣爲然英

清季外交史料卷七十三 一

德言大妨中國體面何不禁止英並密云此舉西人均不謂然中國宜禁止其派往如往西人即謂非華屬在泰西以等次屬國相處甚難何中國名爲屬邦毫不相關如中立其間將爲安南之續凱云或他國所勸英云似無此事閔泳翔主持如中國禁派何干他國等語凱前恐挑畔各國故未敢妄論既西人多不謂然可否祈電諭凱曰韓交涉大端向與本大臣先商近聞分派全權並未預商即將前往各國並無朝鮮商民何故派往徒益債累該員往辦何事有何定見望即照知韓政府查報等語似宜直責韓西人無辭可措且王近疑心已動諸小漸疏有此一舉當可中止云云鴻姑照來意電袁照詢俟覆再報八月初二日
袁電昨夜韓廷派近臣來稱不先商請擅派全權殊深罪悚姑停派往

求凱設法了結並云王命領議政日間來凱處謝罪凱屬其仍具照覆公文以憑轉稟伊允遵辦查美國全權本定初七日啟行今必中止近見王與泳翔電商派使事甚多此必泳翔主之有此一舉王疑悔交集

凱密屬近臣並力諫泳翔計必瓦解凱再開導可無他虞八月初四日

袁電昨聞王電詰閔泳翔昨夜因漏電復稱清素畏洋我派使結洋清必畏我北洋電必慮嚇計斷無慮乞決大計婉拒清仍速派使結洋清無奈何臣以死保云云似此煽惑王必樂聞必漸變卦云八月初六日

總署致李鴻章韓派使臣須先請示以符體制電

中國已允韓與各國通商今派使亦同一律但必須先行請示俟允准後再分赴各國方合體制現在自仍以停止派赴爲正辦留請示一層

清季外交史料卷七十三 二

爲轉圜地步遵旨電達八月初七日

直督李鴻章致總署袁電韓已派駐美使臣請示電三件

袁電今早樸齊純來稱赴美使臣於昨夜出城無可奈何乞代稟轉請電奏奉准即行云云凱責以三罪樸曰使出城在未見旨以前凱曰嗣後見旨例應追回一面派員齎奏內渡並謝罪俟允准再定行期樸無言而去八月初九日

袁電韓派員來稱已派齎奏咨員正耶尹泰馴於今夜行派輪船送赴煙臺等語此即請示派使之文可否轉商總署如允其派使或請於批旨內申明韓員赴泰西凡一切交涉大端仍應就近先商請於中國駐西各大臣核辦免致錯誤貽笑大方等語庶維持藩封名義尤爲周密

亦杜漸防微之一法伏候鈞裁云云八月十一日

直督李鴻章致總署袁世凱電韓改派齋奏官並商阻

韓派使電二件

袁電齋奏昨夜已改派禮賓寺主簿尹奎燮赴津京此係譯官據云向有譯員充此差故援例派往既經違旨故未苛求明日乘韓船開煙云八月十二日

袁電頃聞往來各國之小人連夜入宮密議曰華要虛體面我可應之姑使人請之華恐失和西國斷無不允之理我不過稍遲再派何妨羣小煽惑王竟聽之如華遽允適中小人之計而王信愈切如不允他國或有饒舌可否乞轉商總署電屬駐各國華使商於各國政府據韓奏

清季外交史料卷七十三 三

稱因各國所請將派使赴諸國而韓貧弱無力道遠費多爲我屬邦不得不憐之特商問各政府意果已請韓派而必須派耶抑未請而不必派耶云云俄美英德法義必有言未請不必派者即請批旨駁斥之庶出羣小意料之外尤見中朝馭屬之權是否有當云云前奉虞電以停止派赴爲正辦此事實由韓小人勾通各駐使嗾王謂派使即可自主與中國小行又假稱各國請派若速令我使詢各政府有言未請者即據以折之免饒舌乞核辦八月十二日

總署致李鴻章韓照約派使俟其奏到再辦電

韓與各國立約均在派使互駐之條現在日已派去美又將行俄又電告若遍詢各國政府而此三國皆以應派答覆縱有一二國不以爲可

而既有條約在前安能請旨罷斥況前議韓使與中使往來用中國體制彼已欽遵交涉大端先行呈核一議諒彼亦無他說該國此舉患在不量力然卻係照約行事勸止之或冀轉圜強禁之必添枝節似應候其齋奏到京請旨開示較爲得體袁十二日電尹奎燮次早赴煙究竟已否成行速飭電覆八月十五日

直督李鴻章致總署袁世凱商韓王派使泰西照屬邦

制已允遵辦電三件

翰電擬議極安查各國華使皆係二等若韓派全權互駐與我國派使相同恐有難處可否屆時請旨飭派駐紮公使勿用全權字樣照西例應列三等庶不礙我使體面袁電齋奏官十四申刻開船赴煙日八月十六

清季外交史料卷七十三 四

頃發袁世凱電云接電述韓王咨前派全權公使赴泰西各國已知照各國使臣報其政府未便另改使號使人見疑擬飭該使前往將報聘事竣調回以參贊代理節省經費並飭該使至西國後與中朝大臣仍恪遵舊制惟事恭謹云云辭意遜順本大臣自可曲爲體諒惟欽奉上諭派駐之後體制交涉務歸兩全所有派往各國之員與中國往來均用屬邦體制其未盡事宜仍着隨時通問籌商務妥洽等因本大臣亟應務爲聲明有三端一韓使初至各國應先赴中國使館具報請由中國欽差挈同赴外部以後即不拘定一遇有朝會公議酬酢交際韓國應隨中國欽差之後一交涉大事關係緊要者韓使應先密商中國欽差核示此皆屬邦分內應行之體制與各國無干各國不能過問即

諭旨未盡事宜籌商妥協之意中國與朝鮮休戚相關各欽差皆以名卿出使必能推誠優待應先照知外署轉達國王務飭使臣遵辦俟咨到再復云云九月二十四日

袁電二十四覆電照知韓政府韓王極感謝樸運赴美趙先赴意大利請各國欽差遇事照料云九月二十六日

總署致李鴻章英使照稱西藏駐兵西金請咨駐藏大臣撤回電

英使照稱印度大臣以藏兵越界守西金中國如不飭令退回即調兵驅逐等語此事恐啟兵端希飛咨駐藏大臣速令撤回藏境勿任堅執貽患西金地方向歸何屬譯音係屬何字即電覆八月二十日

清季外交史料卷七十三 五

總署致岑毓英據英使言中英已定約緬不宜添兵電英使言緬約已互換俟到京後即當開辦求雲督飭華員駐新街者先將中英業已定約之說曉諭該處民人以釋衆疑再聞演邊添兵恐緬民因而生事請飭阻止等語英約既定即應部署通商不宜添兵致滋疑慮希即妥辦八月二十七日

直督李鴻章致總署言西金或是隆吐山附近地名電

川督劉電奉鈞電適色將軍赴任過此面詢謂藏番於後藏帕克里施南隆吐山設卡約距藏邊一百餘里自是哲孟雄境西金或是隆吐山附近地名云二十九日

滇督岑毓英致總署緬邊並未添兵電

華員並無駐新街者容當將中英定約各情檄飭騰越鎮廳曉諭邊民以釋羣疑近滇緬邊亦未添兵近日僅派兵剿辦黑夷此事曾於夏間奏明秋後進剿該處距緬遠無由生事八月二十九日

粵督張之洞奏澳界輻輳太多澳約宜緩定摺附清單

兩廣總督張之洞奏爲查明澳門葡人舊租之界及新佔之界輻輳太多請旨安辦事竊中國與葡國議立新約一事臣於三月內承准總理衙門來咨當經臣暨撫臣吳大澂各抒所見奏請從緩定約奉硃批該衙門知道欽此六月間疊准總署來電查詢澳地開闢以內華民詞訟案件是否仍歸地方官審理旺厦村等處田糧每年貢徵若干歸葡人收租者若干等因當經密委廣州府知府孫楫候補知府富純香山縣

清季外交史料卷七十三 六

知縣張文瀚署香山縣知縣蕭丙堃候補知縣蔡國楨等分別確查旋據查明七村訟案錢糧仍歸香山縣管理並查明洋藥來華分運實與澳門無涉業經據稟電復並分別咨達函達總署商辦在案撫臣於七月十六七八等日親赴澳門水陸一帶履勘目擊情形旋省後與臣反覆籌商大率澳門一帶葡人原租之界有三十餘年久佔之界有十餘年新佔之界有近數年圖佔未得之界區別甚多實非一致現當立約之際彼必將含混貪求若使稍不詳審則遠慮近憂處處棘手除將前奏所陳可慮七條之外謹再縷晰陳之查旺厦一村歲完有糧銀糧米共銀三十餘兩其餘沙岡新橋沙梨頭龍環龍田塔石等六村依山而居並無田糧葡人先於各處強設路燈藉收燈費漸向各村強編門

牌勒收地租旺厦村全不交納龍環塔石兩村不繳者十之六至詞訟案件其口角錢債細故或由葡人就近處理若人命重案仍歸香山縣控告辦理甚至圍牆以內遇有重案往往由洋官照會香山縣歸案審辦此皆咸豐同治光緒年間之案均有案牘可稽是澳門一島牆內土地人民歷年並未專歸葡人管轄牆外可知屢次紳民呈詞深以入洋籍輸洋賦爲恥情詞憤激不約而同上年葡人勒收租錢旺厦村民鳴鑼拒之立即遁去強者因抗不完交弱者亦從違各半此次大撫臣到澳接見各村各島居民男婦老幼萬餘人相率環觀咸頌皇仁歡呼感泣察此情形若明歸葡屬各村各島斷不甘心此民不服葡一也關開乃前明所設以其地勢險仄設守於此國朝因之關開以南圍牆以北七

清季外交史料卷七十三 七

村仍是我疆並非將關南之地皆予葡人道光季年以來逐漸湮佔修路築臺直抵關開且藉設燈救火諸事勒向海中諸島收繳燈費地租建造洋房數間於大拔島迤西之山尾當十字門內築一礮臺又在澳西隔海灣仔銀坑等處勒收船租地租民拒不繳今若立約彼必將關開內七村及潭仔過路環諸島攘爲己有甚至隔海灣仔銀坑一帶皆生希冀此貪得無厭二也澳門之南山島對列內外兩層名爲十字門內層左山名大拔島其有村落可泊船處名潭仔右山名小橫琴島外層左山名九澳右山名大橫琴島其有村落名過路環其島大於澳門六倍潭仔居民約二百戶漁船極多丁口四千餘過路環居民約百戶丁口二千餘兩島居民甚少查高廉雷瓊四府民船來往之路正在澳

門之南潭仔過路環之北其過路環之外即係大洋輪船可行民船難行若澳門屬葡彼必兼索兩島兩島屬葡則粵省西四府民船皆須穿過葡境是將西路自行阻塞此海道有礙三也澳門北面陸路一線與內地相連長約二里寬僅百步名曰蓮花莖恰肖其形關開即扼其上葡人久蓄詭謀欲將蓮花莖西面一帶填平直接前山寨同知治所岸外計向澳門西北展出之地長約九里半寬約二里半如此則所佔吏出關開以外不惟貪婪無理而且險要全失此次大撫臣到彼稅司法來格呈出一圖畫有紅線縱橫數十道皆葡人現擬填佔之界實可駭異此奪我險要四也朝廷所以允以澳予葡者爲其地可查洋藥稅釐也今據委員等確查稟稱洋藥自海外入中華皆徑到香港分運各口從

清季外交史料卷七十三 八

無經運澳門卸貨之船是稽察之關鍵在港不在澳葡人即包攬走私澳門一隅所銷有限尚可於澳外水陸兩途分防嚴緝查英國助我稽查洋藥現屬試辦並非一定不易之法萬一三數年後章程變改香港不能嚴查澳更無能爲功此得之無名五也不惟此也稅司法來格問委員知府蔡錫勇言現因潭仔過路環兩處及十字門一帶海面葡人妄謂係葡之海界以致我之緝私諸多不便等語現在已經妄佔作梗若立約屬葡其阻礙自必更甚不惟無補於緝私且正有害於緝私此求益反損六也英國圖澳之意已久嘉慶十三年曾有兵船佔據澳門礮臺謀奪葡利之案經奉旨用兵驅逐而後去英得香港後此意乃息今若以澳予葡他國已難免覬覦且此議倡自英人恐英尤必設法攘

之查葡欠外國借款現已五千三百餘萬磅將來或折價抵換或通融借用俱在意中港澳通連水陸受敵粵省海防何堪設想此徒資強敵七也從前商口未開洋船入華皆在澳門停泊葡人獨據互市之利曾奏准設立商船二十五隻自英得香港立爲碼頭澳門貿易頓減商船並無一至租界內之洋房大半現皆賣與華紳華商爲業近數年澳門既失閩姓之利葡人益形貧窘每年入不敷出養兵止四百名各臺皆係前墮舊廠經費猶患不足於是勒索附近華民鈔費華船漁租民多不從若視爲屬地強行制縛苛歛旺廈諸村及潭仔諸島居民必與葡人爲難葡人必受重創一經決裂轉難收拾此別生枝節八也伏查澳門一區久爲粵省肘腋之患自道光咸豐以來洋務紛紜內患未靖無

清季外交史料卷七十三 九

暇議及彼遂蒙混多佔得步進步乃歷來無人禁制非果葡之強盛不能禁制也臣到粵後即首將閩姓之利收回上年春間臣據旺廈村紳民呈稟即經密札印委各員迭次密查一面照會葡官禁阻一面繪具地圖考核葡人虛實兵食商務情形並每年粵省接濟澳門米穀若干經由何道以爲清理防遏之計並於紫泥關卡稽查走私蠶繭以免上絲之利歸入澳門迭經咨關行司飭局籌議然非籌定辦法奏奉諭旨不敢輕易發難其時以東西兩省越邊界務未竣未便同時並舉擬俟越界既定即當奏陳先已於本年三月內咨達總署密籌辦法嗣接到立約明文隨即通籌利害條列具奏今覆加詳查民情之憤後患之深如彼於藥徵之無益有害又如此竊思詳約總宜緩定俟年餘後體察

藥徵旺淡究竟若何再行請旨定奪如彼非理要求或竟作爲罷論七月十三日復准總署來電慮及此後更有侵佔及轉屬他國兩節令熟籌杜防之法所慮誠關緊要臣熟加籌度若杜絕侵佔一節其圍牆以外關開以內葡人所有已成之馬路洋墳花園似可聽其自然不必拆毀至於牆外開內之兵房礮臺如能收回固善即聽其存留亦尙無大礙至於七村民居田產總當劃清界址豎立碑石已佔者仍作爲租界既經免其租銀或作爲借居之界未佔者作爲官界不得踰越其澳門本島以外之潭仔過路環兩處必與理論雖有修成礮臺洋房石路塔燈等工或酌給修費與之贖回或已佔者准其暫行租居酌定年限獨近逼潭仔正當十字門之礮臺必應歸我未佔者我亦安營設汛以資

清季外交史料卷七十三 一〇

箝制應俟臨時相機妥籌斷不容其佔有諸島其灣仔銀坑一帶與澳門隔海與香山縣土地相連斷不准其覬覦至蓮花莖以西填地遠過關開直接前山之詭謀則預爲揭明禁止絕其妄想青洲一墩自前明已建洋寺爲地甚小應議明不准填地連接總之除原租圍牆以內之地仍舊聽其居住已侵佔者明示限制察其於我無大礙分別租給收回未侵佔者力爲劃清嚴加防範其海面按照公法與之議明不容擅佔以後須責成地方文武隨時認真稽查並派兵輪常往巡哨督撫提臣每季出巡即不致再有侵佔倘蒙朝廷主持總署定之於內疆臣必當守之於外即如俄法強國邊界既經勘定亦必期永遠循守何況於葡蓋清理從前之侵佔須分別酌辦若杜絕以後之再加侵佔粵省之

力尙可辦到亦斷不至因此致生弊端者也至轉屬他國一節既已屬葡則彼可自主若仍爲華地即與沿海各省地面無異中國威力遠勝葡人他國非有意外開衅決不能憑空盜據似可布告各國聲明免其租銀借以永遠居住以示地主有屬譬如賃屋假館之客固不敢轉贈他人即他人亦不能強行佔買防維較易爲力若既已正推解之名又欲施控制之計竊恐更費周折矣是欲杜轉屬之弊尙不如仍舊之爲愈也總之澳無田地其米糧皆係由香山縣石岐等處接濟並違禁私運出洋澳販恃爲大利若米船數日不到立形困窘葡無商利事恃勒抽華民以資用度入不敷出每年僅解繳該國銀二萬餘兩已形竭蹶葡無駐澳兵船僅有租來他國兵船一號泊於海中餘有小巡輪數隻

清季外交史料卷七十三

一一

而已其陸路敵舊兵單迥非他國洋兵之比以彼貧弱如此我並不加驅逐彼租者聽其安居久佔者量加區別新佔者設法辦理未佔者明文杜絕彼方當深感聖朝怙冒之仁斷不至與中國啟衅竊維此次樂征改革赫德所自任者不過歲增二百萬澳門一路協助之益已屬無多若澳爲葡有已屬得不償失況協助未必得力乎總署來電慮葡使坐待一節該使之意蓋恐非常之惠遲則生悔又恐中國察知洋藥之效於彼無功則事將中變以故亟於請盟彼利在急我利在緩可知煙臺之約遲十年而後行澳門之約豈能一月而遽定伏望聖明垂察將臣前奏並此次所奏各節敕下總理衙門妥籌詳議緩與立約免致民情梗阻別生枝節粵省幸甚謹列澳門一帶訟案錢糧葡人租銀數目

列清單並繪具澳門附近水陸詳圖照繪葡人意圖填佔原線恭呈御覽謹奏光緒十三年八月二十九日奉硃批該衙門知道單併發
謹將澳門詞訟田糧數目葡人租佔人數繕單呈覽

詞訟

一、咸豐十一年十月西洋理事官獲解致死鄒亞俸兇犯陸亞柳移請審辦一案

一、同治元年七月西洋理事官解獲致死有孕媳婦及孫二命兇犯洗開和移請審辦一案又西洋理事官獲解將其養女推壓入海淹斃犯婦樊蘇氏移請審辦一案

一、光緒八年十月黃祺呈控吳遙如貪租背約一案 又梁騰芳呈

清季外交史料卷七十三

一一

控蕭啟琛抄搶貨物一案

一、光緒十二年八月吳逢昌呈控郭宏章串通抄搶一案 又黃朝

輝呈控何怡翰私頂串跳一案

田糧

一、仁一圖末甲僧建城共稅三頃七十七畝八分五釐一毫

內稅一項
五畝在旺
厦村餘在
界福左右額徵銀一十二兩三錢三分米一石八斗六升八合 又

增慶壽共稅六畝三分零九毫額徵銀二錢八分米三升三合

一、番一圖末甲張保和共稅七十五畝零二釐二毫

內稅三十餘
畝在旺厦村額徵

銀一兩零四分米一斗一升八合補升銀一兩五錢六分米六斗

一升四合 又胡徐亮共稅三十六畝一分九釐一毫額徵銀一

兩零八分米一斗四升

一、良二圖八甲李承蔭共稅五十五畝零二釐五毫俱在旺廈村額徵銀

一兩六錢二分米一斗五升二合

一、良五圖一甲沈大任共稅三十八畝二分九釐額徵銀一兩二錢五分米一斗八升

一、良七圖四甲何大昌共稅一頃四十二畝三分九釐九毫額徵銀三兩六錢八分米四斗四升八合

以上七柱共徵銀二十二兩八錢四分米三石五斗五升三合銀米合計共銀三十餘兩

一、旺廈村舖戶民居篷屋大小四百餘間壯丁千餘人四頃零不繳

清季外交史料卷七十三 一三

租鈔此外各村概無田畝

一、龍田村舖戶民居大小七八十家壯丁百餘人龍環村舖戶民居大小三四十家壯丁七八十人約半繳租鈔每戶自半元起至三元止不等

一、水坑尾除進教團外舖戶民居篷屋七十餘家壯丁二三十人塔石村除進教團外舖戶民居篷屋五十家壯丁七八十人每年約繳公鈔及街燈費共銀三百元

一、沙梨頭村舖戶二十餘家民居三百餘家壯丁四五百人每年約繳公鈔及綠衣街燈等費共銀一千餘元

一、沙岡村舖戶船廠灰爐六十餘家民居篷屋三百餘家壯丁百餘

人每年約繳公鈔及綠衣街燈費共銀一千餘元

一、新橋村舖戶二十餘家民居二百餘家壯丁二三百人每年約繳公鈔及綠衣街燈等費共銀一千餘元

一、三巴門外石牆街舖戶三十餘家民居一百餘家每年約繳公鈔街燈等費共銀一千餘元

一、潭仔舖戶船廠六十餘家民居篷屋一百餘家壯丁二三千人每年約繳綠衣街燈等費共銀一千餘元葡人勒收地租丁口租每人半元遇有紅白事又勒繳租銀該處迄未照繳

一、過路環舖戶船廠四十餘家民居百餘家每年約繳綠衣街燈等費共銀一千餘元未繳租鈔

清季外交史料卷七十三 一四

又潭仔過路環約有拖船八百餘隻每隻寄泊一次收銀二元三角半每年約銀二千餘元葡人於此二處派有陸路綠衣兵三十四名潭仔二十名過路環十四名又小輪渡船兩隻

查全澳舖戶民居並附近各村每年約共公鈔銀二萬四千餘元地租銀一萬二千餘元計澳門各村各島壯丁約千餘人男婦老幼合計約一萬數千人

又查葡人不及千名兵丁不過四百名唐人綠衣不及百名兵船祇一艘另教民約二百名

總署致李鴻章轉盛宣懷電約訂期太久不便遽允電由劉道帶來節略及頃致劉電具悉電約利弊未可知而訂十六年之

久譯署實不敢允聞公司不肯縮年限尤可疑約如不公限短則爲害較輕署中猶可強允希酌辦八月二十九日

粵撫吳大澂奏查明澳門估界及將估界擬即清釐摺
廣東巡撫吳大澂奏爲查明澳門估界及將估之界擬與葡人及早清釐事竊准兩廣督臣張之洞咨行總理衙門來查現與葡國外部電商派使來華擬議通商條約等因臣因事關大局不能不慮遠謀深敬陳管見繕摺奏陳在案旋准總署來電澳門關關以內居住華民近年詞訟案件是否仍歸地方官審理旺廈村等處田糧每年實徵若干歸葡收租若干迅行查覆等語當經督臣張之洞會同臣派員確查電復總署並據廣州府知府孫楫候補知府富純署香山縣知縣張文瀚等稟

清季外交史料卷七十三 一五

復情形詳細咨明總署各在案臣竊思葡人居住澳門原有租界歲繳租銀五百兩自道光二十三年以後求免租銀屢經前督撫臣照章駁斥其越界修路越界蓋房之案民間呈控亦經備文照會禁阻葡官輒置不理督臣張之洞未到任以前數十年中公家未籌一切實辦法葡人以爲粵省不甚愛惜之地毅然在租界以外各村各島先貼門牌繼設路燈先收燈費繼索地租葡國官民所住中國之地既不向中國繳清租價中國民人所住中國之地反令向葡國完納租銀揆之情理實係非情非理之端索其憑據亦屬無憑據之事臣於七月十六日親赴澳門旺廈各村各島查勘界址與駐澳西洋大臣高士達面加詰問且告以劃清租界之意隱示管回佔地之圖並曉諭該處居民勿因從

前受欺受侮與葡人口角爭毆致生枝節各村父老感念國家深仁厚澤鼓舞歡欣如撥雲霧而見天日臣於十九日旋省與督臣張之洞妥籌辦法有與葡人亟須議明者十條一水坑尾門三巴門兩處門牆久已拆毀仍須議明補築完好以復舊界一租界以圍牆爲限圍牆以外向不准洋人蓋房修築歷有案據可查今水坑尾外門三巴門外所修馬路所蓋洋房皆係侵佔官地應如何清理之處必當妥議辦法或就已蓋洋房之地作爲葡國租界標立界石以後不准於界石之外再侵尺地似亦通融辦法一沙梨頭村新橋村沙崗村三村毗連皆在租界之外沙梨頭村之西南有圍牆舊界尚有殘缺石牆一段仍應補築堅固以免與租界通連一沙崗新橋沙梨頭及旺廈龍環龍田塔石

清季外交史料卷七十三 一六

等七村皆係中國民人聚居村落所耕田地歷年在香山縣完納錢糧本非葡人所能受理統計該數村舖戶居民約有萬餘人自葡官按戶收租或繳或不繳衆情洶洶各懷憤懣旺廈一村始終未繳分文葡人亦無如何若令歸入租界以內被其苛斂民不甘心必致激生事端亦非葡人之福應即禁止葡官不准向該數村擅貼門牌收地租以期彼此相安一蓮花莖原有圍欄係前明萬歷年間創建年久毀廢近年葡人改設牌坊一座四無圍牆非關非閘似應由粵省派員擇地重修關閘以資控制該處有葡人所設兵房電線議令撤去歸中國派兵看守一蓮花峰礮臺皆在租界以外本非葡人所當興築且近來葡人水陸練兵不滿四百人生計日蹙貧不能自給必致有毫無礮有礮無兵不

如酌給經費令將三處礮臺歸粵省另派弁撥兵看守籌款興修即一時未能應允將來葡人窮困無聊養兵費缺始終必爲中國管理一租界內舊有海關監督行臺香山縣丞衙門聞於道光二十九年爲葡人拆毀又越十餘年賣與中國商人改造民房臣親自查勘在顯榮里一帶上人尙能確指其地應俟設法購回仍照舊章改建官房或香山縣丞未便在租界內建署亦應於旺廈村左近隙地重建縣丞衙門將該縣丞移設關前以內俾復舊制一澳門西北有小島名曰青凡與澳門本不相連葡人在此山擅蓋洋房據爲己有亦應設法與之辯論一澳門西面各碼頭對岸爲灣仔有華民二百餘家灣仔迤南五六里曰銀坑有華民數十家居住已久近爲葡人勒收地租民不堪擾現在尙未

清季外交史料卷七十三 一七

起造洋房此爲將佔未佔之地與督臣商議當飭該管地方官不時前往巡察若置不問再越數年則公然認爲葡地矣一澳門之南十字門以內東有大撥島西有大橫琴二島大撥島之北鹿潭仔村大橫琴島北面山坡有過路灣皆與澳門不相連屬潭仔有舖戶居民一百二十三家過路灣有舖戶居民百餘家臣查閱各島見有葡人設立兵房殊堪詫異詢之民戶近年按戶勒收地租竟以該島爲葡人管轄之地尤須據理與之辯論大抵海外荒島多有私梟洋盜匿迹其間葡人庇護之因以爲利查該島一帶本係緝私船隻時常往來之路臣當與督臣卽飭緝私員弁認真巡緝稽查戶口免致莠民潛匿該島自非葡人所不得攔阻以上十條擬請飭下總理衙門與葡使逐條理論向歸中國管

轄之地顯係歷年侵佔並無歸葡管業之明文想葡使亦無從強辯卽日前議約未能遽定似不訪藉詞推宕以絕覬覦之謀察度澳門居住葡人官無善政商無善賈工無善藝惟藉賭館娼寮包私庇匪收受陋規爲自然之利自督臣張之洞奏明開姓弛禁繳費充公澳門葡官每年少收洋銀四五十萬圓此外更無大宗出息聞上年葡官高士達接管後費用支絀有入不敷出之處故專以刻剝商民爲事向有漁船數百號停泊澳門因葡人勒收重稅避至他島并無漁稅可收華界居民久被葡人勒繳地租以後劃清租界大勢不能不予取予求葡國既無商船來往澳門別無地利可圖市面蕭條人情渙散其坐困情形可立而待租界以內所蓋洋房洋樓大半賣與中國商人不數年間其地盡爲

清季外交史料卷七十三 一八

華商所有力不能與中國相抗必求中國爲之保護事有必至理有固然臣愚昧之見擬請暫緩訂約或竟作爲罷論葡使若有要求請飭總理衙門商令葡使暫回澳門與臣等清理地界似亦急脈緩受之一法臣與督臣張之洞妥爲商辦當於控馭之中默寓籠絡之意斷不致激而生變此可仰慰宸廑者也臣爲要地被佔亟應法清釐起見謹恭摺奏陳光緒十三年八月二十九日奉硃批該衙門知道

直督李鴻章致總署岑毓英電保樂一帶並無滇兵電接粵電當卽詢岑復云保樂即越南襄安府緣知府儂雄福上年爲越中散勇所殺據有其地迄今未退非雲之兵雲省防兵均駐雲邊實未聞入保樂鎮安德社兩處地方九月初一日

禮部奏朝鮮國王咨報派使西國請示摺

附上海及表咨

禮部尚書奎潤奏爲據咨轉奏事光緒十三年八月二十二日朝鮮國王李熙特遣齎奏官尹奎燮恭齎奏本咨文等件到部係因該國王奉到總理衙門電寄奉旨朝鮮派使西國必須先行請示俟允准後再往方合屬邦體制等因欽此該國王因與泰西各國換約以來先經美國派員來駐該國都城該國亦遣使報聘至各國則報聘而未遣各國使臣屢以遣使互駐爲請該國王念切時局思踐盟約擬遣陪臣等分往各國先修報聘仍行駐紮妥辦教睦事宜據實奏明咨請轉奏等情除將該齎奏官尹奎燮等安置會同四譯館居住所有例賞筵宴事宜應由臣部照例辦理外謹鈔錄該國王原奏原咨恭呈御覽光緒十三年

清季外交史料卷七十三

一九

九月初三日奉上諭禮部奏朝鮮國派使西國先行請示呈進奏章一摺披閱奏章內所稱各節情詞恭順具見惻忱朝鮮與各國立約既有派使互駐之條現在遴員前往自無不可惟中國之於朝鮮推誠相與休戚與同該國物產無多商務未旺加以頻年多故國用日繁若再派使分駐各國並無應辦之事而從此常年頓添鉅款嗣後若因經費不繼竟行中輟或勉力籌措償負日增既與國計無裨轉致遠方騰笑朝廷代爲區畫殊屬非計該國王務當仰體中朝覆庇保全之意將此事詳籌終始審慎而行至於派駐之後體制交涉務歸兩全奏章所陳深爲得體所有派往各國之員與中國使臣往來均用屬邦體制前經李鴻章電奏該國已遵章辦理其餘未盡事宜仍着李鴻章隨時通問籌

商務臻妥協將此諭知禮部李鴻章並由該部傳諭朝鮮國王知之

附朝鮮國王請示派使西國表

朝鮮國王臣李熙謹奏爲派使西國先行請示仰冀允准以便前往事本年八月初七日據議政府領議政沈彝澤狀啟本日准駐紮朝鮮總理交涉通商事宜袁世凱照會奉大學士李鴻章電開總署來電奉旨朝鮮派使西國必須先行請示俟允准後再往方合屬邦體制欽此速照知韓政府欽遵等因奉此相應照會貴政府請煩查照欽遵等因理合稟請欽遵辦理等情竊念小邦世蒙天朝恩施履載高厚山海崇深無事不達有求必應至於外交一事特蒙我皇帝陛下眷念藩服力圖維持特允與美國首先通好而派員襄辦安訂條

清季外交史料卷七十三

二〇

約並先行照會聲明朝鮮爲中國屬邦而內治外交向來均得自主等語使小邦恪守侯度而在各國平行相待體制交涉務歸兩全嗣後泰西各國相率而至續定和約亦皆以美約爲張本克臻妥善均經奏准在案美國於換約之後按照原約派全權大臣來駐都城而小邦曾遣使報聘而還至泰西各國則並與報聘而未遑是以各國使臣屢以遣使互駐爲請小邦念切時局思踐盟約現派陪臣樸定陽爲全權大臣擬令前往美國駐紮繼派陪臣趙臣熙爲全權大臣擬令前往英德意俄法等五國先修報聘仍行駐紮妥辦教睦事宜理合據實奏明倘蒙格外天恩仍准該陪臣等前往以完使事而符原約再查向例朝貢典禮等事宜咨由禮部轉奏通商交際等事由

總理衙門王大臣北洋大臣李鴻章轉奏非有極大事件不得輒有所奏此次電宣諭旨臣跪聆之下感悚難名茲敢不避謏戾冒陳披瀝之忱臣無任戰慄待命之至緣係派使西國先行請示仰冀允准以便前往事理爲此謹具奏聞

附朝鮮國王咨禮部擬派員使美及英德意俄法等國文

爲咨會事本年八月初七日據議政府領議政沈舜澤狀啟本日准駐紫朝鮮總理交涉通商事宜袁世凱照會奉大學士李鴻章電開總署來電奉旨朝鮮派使西國必須先行請示俟允准後再往方合屬邦體制速照知韓政府欽遵等因奉此相應照會貴政府請煩查照欽遵等因理合稟請欽遵辦理等情竊念小邦世蒙天朝洪庇覆

清季外交史料卷七十三 一二一

載高厚山海崇深無事不達有求必應至於外交一事特賴我皇帝陛下眷顧綏靖之恩亦荷部堂大人暨北洋大臣體恤經遠之謨代爲籌畫力與維持特允與美國首先通好而派員襄辦妥訂條約並先行照會聲明朝鮮爲中國屬邦而內治外交向來均得自主等語使小邦恪守侯度而在各國平行相待體制交涉務歸兩全嗣後泰西各國相率而至續定和約亦皆以美約爲張本克臻妥善均經奏准在案美國於換約之後按照原約派全權大臣來駐都城而小邦曾遣使報聘而還至泰西各國則並與報聘而未遑是以各國使臣屢以遣使互駐爲請小邦念切時局思踐盟約現派陪臣樸定陽爲全權大臣擬令前往美國駐紮繼派陪臣趙臣熙爲全權大臣擬令

前往英德意俄法等五國先修報聘仍行駐紮妥辦敦睦事宜理合據實咨請禮部查照仍即轉奏天陛獲准該陪臣等前往以完使事而符原約實爲德便特差禮賓寺主簿尹奎燮奉咨前去爲此咨會請煩禮部照驗施行

總署致盛宣懷電務合同須縮短年限電

速電詢電務辦法並云俟兩公司委員往煙斟酌辦理云云查此等難以核準之處並非專言文理另有要事數端必須查明一丹約不定俄不肯接線之說俄所執者何理如云俄丹有約必須將該約鈔閱不可虛言有約以騙中國一電務機數最多中國與公司訂立合同只可試辦數年豈可連定十六年之久且合同如公允試辦後仍可接訂

清季外交史料卷七十三 一二二

公司不肯縮限即令人疑其不公一俄允水線上岸歲收稅三百萬盧布中國允兩公司上岸前未收稅恩惠甚大來電稱合同不定歲失十萬若責其納稅歲入可不止十萬不納稅則我有截斷水線之權豈可因前允水線登岸反爲公司所縛兩公司合同及中俄電約必須同時商定同候核准不可先與公司定議一合同中不公之處頗多但能縮短年限本衙門姑可預允否則不可貪每年十萬之利損我事權情願不訂合同九月十三日

直督李鴻章致總署蘇元春報越人求撫擬辦情形電

蘇提元春電前月二十八日出巡水口關探悉法兵進圖三州恐游衆勢窮內竄因飭李黃兩分統抽調七營來西路鎮壓法進下現廣淵游衆

不戰棄三州奔郊壇茶嶺馬伏更等處共二千餘人逼近我西防王莊
隴邦新墟等隘初六春至下雷游目莫家模等叩關求撫飭照章
程先繳軍裝分別給資回籍據稱其衆無家可歸能妥爲安置方能全
出已電商香帥籌畫萬全給以內地防營薪糧支持半年俟其心定然
後令各營汰弱分補未知款可籌否如能籌可使全出免後患西省餉
絀未及與李護院相商云鴻覆以如粵款難籌宜設法資遣交各原籍
官管束九月十三日

總署致李鴻章希轉蘇元春勿收撫游衆電

新收游衆迅即妥籌資遣嗣後勿得擅行收撫應餉開衅九月十四日

總署致張之洞法使照稱橫模係越地請撤寨希覆電

清季外交史料卷七十三 一三一

法使照稱欽州派兵抵橫模社據地立牌築寨橫模係越廣安地在北
巖北崗二隘之南歸法管轄有圖可稽請電致速撤云云查新立界圖
北崗隘係越境若在北崗南立牌築寨與約不符希即電復九月十四日

粵督張之洞致總署請訂九龍拱北兩關辦事章程電

九龍拱北兩關業令監督派員惟薪水局費及一切委員稅司會同辦
事章程祈飭總稅司赫德妥議速辦此舉須爲將來規復舊章之地委
員必宜諸事與聞已剴切戒飭斷不至掣稅司之肘至薪水一節稅司
薪費甚重若中國官員過薄相形之下於體制有礙此並非爲委員計
較薪水望裁酌九月十四日

粵督張之洞致總署報欽州並無立牌築寨等事電

據署欽州李受形查覆電稱橫模社其遠並未緊接欽界該牧巡歷欽
屬新收各界早已回欽並無派兵在橫模立牌築寨等事云云九月十
七日

使美張蔭桓致總署韓使至美應由華使挈晤外部電

朝使至友邦應由華使挈晤外部此西例也非爭虛文恐日誘導則大
損北洋應否補咨預杜要結並令具報職名乞酌九月二十二日

使英劉瑞芬奏在倫敦互換緬約並派員齎呈摺

出使英國大臣大理寺卿劉瑞芬奏爲遵旨准總理衙門咨開上年與英國議訂
齎呈事竊臣於本年五月十三日准總理衙門咨開上年與英國議訂
緬約五款於本年二月初二日繕就正本奏請批准茲已將緬約正本
請用御寶訖相應恭錄諭旨鈔錄原奏並緬約正本一分咨送收存俟

清季外交史料卷七十三 一四

英國君主批准即在倫敦訂期互換等因嗣於六月十三日據英國公
司輪船送到封固木箱內儲欽奉批准請用御寶之緬約正本一分遵
即敬謹收存一面知照英國外部訂期互換於七月初四日准外部照
會所備緬約已經英國君主批准定於七月初七日互換屆期臣親齎
前項緬約正本率領二等參贊分省補用知府李經方英文參贊馬格
里等赴英外部衙門會同外部尙書侯爵沙力斯伯里互相校閱後各
立互換文憑書押連同緬約正本彼此互換臣即將換到英國君主蓋
印書押之緬約正本親齎回署飭派隨員工部主事余思貽齎至京師
呈請總理衙門驗收謹奏光緒十三年九月二十六日奉硃批知道了

總署奏葡約現有成議謹陳辦理情形摺

附續詳約兩款